

**UKA 2017/122: Siunnersuut uunga: Naalakkersuinikkut sulinermut aningaasatigut
tapiissuteqartarneq pillugu Inatsisartut inatsisaata allanngortinnejnarneranik
Inatsisartut inatsisaat nr. xx, uu. qqqq 2017-imeersoq. (Tapiissutinik qaffaaneq)**

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliariinninnermini ilaasortarai:

Inatsisartunut ilaasortaq Debora Kleist, Inuit Ataqatigiit, Siulittaasuugallartoq

Inatsisartunut ilaasortaq Pitsi Høegh, Siumut, ataatsimiititaliami sinnisoq, Siul. tull.

Inatsisartunut ilaasortaq Iddimanngjiu Bianco, Inuit Ataqatigiit

Inatsisartunut ilaasortaq Laura Táunâjik, Siumut

Inatsisartunut ilaasortaq Per Rosing-Petersen, Partii Naleraq

1. Siunnersuut pillugu

Partiit, kattusseqatigiit, attaviitsut Inatsisartuni sulinerannut pisortat tapiissutigisartagaasa qaffanneqarnerat siunnersuutip nassataraa.

Pisortat tapiissutaat malittarisassat atuuttut malillugit ilaatigut tunngaviusumik tapiissutitut ilaatigullu qinikkanut tapiissutitut tunniunneqartarput. Partiit qanoq angitignerat apeqqutaatinnagu (qinikkat amerlassusiat) aningaasartuutit assigiinnerannik tamanna ersersitsisuovoq. Assersuutigalugu partiit tamarmik - qanoq angitigineq apeqqutaatinnagu – aallaavittut oqaaseqaatissanik suliaqarnermi ikiorserneqarnermut assigiinnik aningaasartuuteqartarput. Partiittaaq peqatigisaanik, partiip pineqartup qassnik qinigaatitaqarnera apeqqutaalluni allanik aamma aningaasartuuteqartarput. Tamanna assersuutigalugu ilaasortat siunnersuutissaannik suliaqarnermi ikiorserneqarnermut aningaasartuutinut.

Partiit qinersinermi kingullermi Inatsisartuni qinikkanik sinniisutitaqalersut malittarisassat atuuttut malillugit partiip naalakkersuinikkut sulineranut ukiumut 650.000 kr.-inik tunngaviusumik tapiissummik pisinnaatitaapput, tamatumalu saniatigut partiip qinigaatitaanut ataatsimut 210.000 kr.-inik annertussusilinnik qinikkatut tapiissutisisinnaatitaallutik.

Tamanna aamma kattusseqatigiinnut kiisalu attaviitsutut qinigaasunut atuuppoq.

Partii Inatsisartunut qinersinermi kingullermi Inatsisartunut qinigaatitaqanngitsoortoq, kisiannili kingusinnerusukkut ilaasortap ataatsip ilaasortalluuniit arlallit sinnisuuffigissallugu nuuffigisaat qinikkanut assinganik tapiissutisisinnaatitaapput, taamatuttaaq ilaasortat partiimiit kattusseqatigiinnilluunniit qinigaasimasut partiimit kattusseqatigiinnilluunniit tunuartut ("attaviitsut"). Partiilli ilaasortallu taamaattut tunngaviusumik tapiissutinik pissarsisinnaanngillat. Tamanna partiimiit kattusseqatigiinniillu ilaasortaa junnaarnissamut aningaasaqarnikkut kajumilersitsinissap pinaveersaartinneqarnissaanik kissaateqarnermik pissuteqarpoq.

Siunnersuutip malitsigisaanik tunngaviusumik tapiissutit ukiumut 850.000 kr.-inngorlugik qaffanneqassapput, qinikkamullu ataatsimut ukiumut tapiissutit 275.000 kr.-inngorlugik qaffanneqarlutik.

Peqatigisaanik siunnersuutip malitsigissavaa tapiissutit siunissami qaammatisiutit ukiuisa aallartinneri tamaasa iluarsineqartalissammata, siulermik 2019-imi.

2. Suiunnersuutip tunuliaqutaa pillugu

Inatsisissatut siunnersummut nassuaatini paassisutissiissutigineqarpoq tapiissutit 2006-ip kingorna pisortatigoortumik iluarsiissuteqarfingeqarsimannngitsut. Piffissap ingerlanerani kisitsisip atuisartunut akigitinneqartunut iluarsiissutaasartup ineriaartorneratigut tapiissutit naleerukkiartorsimapput. Ukiumut tapiissutit nalingi piffissami 30 %-ingajammik annikilleriarsimapput. Tamanna tunngavigalugu Siulittaasoqarfiusp nalilerpaa tamanna illuatungilerniarlunga tapiissutit qaffanneqarnissaat pisariaqartoq.

Inatsisinut Ataatsimiitaliap maluginiarpa Siunnersuut pillugu nalinginnaasumik oqallinnermi oqaatiginiarneqartoq partiinut tapiissummik 2006-imi kingullermik qaffaaneraaneq ilumuunngitsoq. Taamaalillutik siunnersuut pillugu isornartorsiuisut tapiissutit 2009-mi 2010-milu qaffanneqarsimannerinut innersuussisimapput.

Tamannali paatsuuinermik tunngaveqarsorinarpoq. 2009-mi 2010-milu inatsimmik allannguinerit partiinut tapiissutinik teknikikkut allanngortitsinerupput, tapiissutinik partiit tigusartagaannik amerlanerulersitsinngitsut, taamaallaalli tapiissutit tunniunneqartareersut kontumut ataatsimut katarsorneqarlutik.

Taamaalilluni taamanikkut inatsisip allanngortinneqannginnerini tapiissutit ilaat tunniunneqartarsimapput Inatsisartut Allattoqarfiaita allaffissornermut kontua aqqutigalugu. Assersuutigalugu partiit partiini siunnersorteqarsimapput Inatsisartut Allattoqarfiannit atorfefqartinneqarlutillu akissaasersorneqartunik, soorlu aamma partiit Inatsisartuni

oqaaseqaatissaasa nutserneqartarnerinut aningaasartuutit Inatsisartut Allattoqarfiata allaffissornermut kontua aqqutigalugu akilerneqartarsimasut.

Partiinut pisortanit tapiissutigineqartartut annertussusivii eqqarsaatigalugit sapisngisamik ammanerpaamik periuseqarnissaq qularnaarniarlugu 2009-mi 2010-milu Inatsisartut inatsimmut allannguutinik marlunniq akuersissuteqarput. Inatsimmik allannguinerit malitsigisaannik sullissinerit Inatsisartut Allattoqarfiata allaffissornermut kontuanit akilerneqartarsimagaluartut, partiinit namminernit akilerneqartalerput, taamaalillunilu aningaasartuutit Inatsisartut Allattoqarfiata partiit sinnerlugit akilertarsimasai partiinit namminernit akilerneqartartussanngorput.

Tamatuma malitsigisaanik Inatsisartut Allattoqarfianut aningaasaliissutit ilaat aningaasanut inatsimmi partiinut tapiissutinut kontumut nuunneqarput. Aningaasat nuunneqartut ukiuni siuliini agguaqatigiissillugu Inatsisartut Allattoqarfiata partiit sinnerlugit ass. partiit siunnersortaasa akissaataannut nutserisitsisarnernullu aningaasartuutit utertinneqartarnerinut akilertarsimasaanut naapertuupput¹.

Partiinut tapiissutit taamaalillutik qaffanneqanngillat, erseqqinnerulersinneqaannarlutilli.

Pisortanit partiinut tapiissutaasartunik teknikkut allangortitsineq (ataatsimuulersitsineq) tamanna eqqaassaanngikaanni naalakkersuinikkut sulinermut aningaasatigut tapiissutit pillugit inatsisartut inatsisaanni tapiissutit annertussusii 2006-imii iluarsineqarsimannigillat².

Tapiissutit 2006-imii iluarsiiffigineqarneriniit 2017-imii junip tungaanut piffissap ingerlanerani atuisartunut akigitinneqartut 30,6 %-imik qaffassimapput. Partiit aningaasartuutaasa ilaasa assinganik qaffariaateqarsimanerat ilimagisariaqarpoq – tamanna naak immaqa partiit aningaasarsianut aningaasartuutat taamak annertutigisumik qaffassimanissaat ilimagineqarsinnaanngikkaluartoq.

Partiinut tapiissutit nalingisa appariartornerannut matussusiinissaq siunnersuummik siunertaavoq, tapiissutinillu amerliliissutissatut siunnersuutigineqartut atuisartunut akigitinneqartut kisitsisitaata qaffaatigisimasaanut naapertutikannerpoq.

¹ Taamaattorli 2009-imut aningaasanut inatsisissap isumaqtigijiutigineqarnerani Inatsisartut peqquneranik kinguneqartumik sipaarutissat ilangaatsiarsuinik ilanngarneqartunik. Nioqquqtiisanut pisiniarnernut, sullissinernut, attartornermut akiliutinut, pisiortornernut, ingerlatsinernut, iluarsartuussinernut kiisalu aserfallatsaalinernt aningaasartuutiniit 10 %-imik ilanngarneqarsimapput. Akerlianilli aningaasarsianut akissaajaatit ikililerneqanngillat.

² Inatsisint Ataatsimiititaliap paasinninera malillugu piffissami 2006-imii 2009/2010-mut partiinut tapiissutit Inatsisartut allaffissornermut kontuatigut tunniunneqartartut “ersinngitsumik” qaffanneqarsimasinnaanerat qulaajarniarlugu misiliisoqarsimannilaq.

3. Partiinut tapiissutit ineriertorsimancerat kiisalu nunanut allanut sanilliussineq

Tapiissuteqartarnermut inatsisip siulliup 1996-imi atuutilernerani pisortat naalakkersuinermik suliaqarnermut tapiissutaat (qinersinermut tapiissutit ilanngunnagit) 2,5 mio. kr-it pallillugit annertussuseqarsimapput, partiinut tallimanut agguataarneqarsimasut. Tamatumma kingornatigut inatsisinik allannguisarnerit nassataannik pisortat partiinut tapiissutaat malunnaatilimmik amerleriaateqarsimapput. Taamaalilluni 2016-imi partiinut tallimanut attaviitsunullu marlunnut katillugit 9,9 mio. kr-inik tapiissuteqartoqarsimavvoq. Taamaalilluni tapiissut ukiut 20-t kingulliit ingerlaneranni sisamariaatinngorsimavvoq.

Taakku 9,9 mio. kr-it 2016-imi partiinut tapiissutit tunniunneqartut innuttaasunut ataasiakkaanut missingerlugu 177 kr-it missaanniippoq.

Sanilliullugu Savalimmiuni pisortat partiinut tapiissutaat 8,8 kr-it pallillugit annertussuseqarput, tassa innuttaasunut ataasiakkaanut missingerlugu 179 kr-it missaanniippoq.

Danmarkimi 2016-imi Naalaagaaffiup partiinut tapiissutai katillugit 109,2 mio. kr-iusrumapput, innuttaasunut ataasiakkaanut missingerlugu 19 kr-iusrumallutik.

4. Pisortanut aningaasaqarnikkut allaffissornikkullu kingunissai

Siunnersuutip aningaasaqarnikkut kingunissaanut, qinersinermi kingullermi partiit, kattusseqatigiit attaviitsullu qassnik Inatsisartunut ilaasortanngortitsisimancerat apeqqutaassaaq.

Maanakkut partiit sisamat attaviitsorlu ataaseq Inatsisartunut ilaasortaataqarput. Taakku malittarisassat atuuttut malillugit katillugit 9.110.000 kr-inik tapisisinnaatitaapput. Agguasseriaaseq taanna atorlugu siunnersuutip nassataanik tapiissutit tamarmiusut 11.925.000 kr.- iussagaluarput. Partiit il.il. maannakkutut amerlatigitillugit siunnersuutip kingunerisaanik aningaasartuutit 2.815.000 kr-inik annertusissapput (tassunga ilanngunneqassaaq Kalaallit Nunaanni kisitsit akinut iluarsiissutaasartoq malillugu ukiumut iluarsiissuteqartarneq).

Siunnersuutip allaffissornikkut kingunissaanut, partiit il.il. tapiissutit annertuseriaataannik qanoq atuiniarnerat apeqqutaassaaq. Inatsisut Ataatsimiititaliap maluginiarpaan inatsimmut nassuaatini paassisutissiissutigineqartoq partiini sulisut amerlisinnaanerisa nassatarisinnaagaa ilaasortat siunnersuutaasa § 37-ilu naapertorlugu apeqquteqaatit amerlinerat.

Inatsisartunut ilaasortat partiillu 2016-imi aalajangiiffisassatut siunnersuutinik katillugit 111-nik saqqummiussippu, agguaqatigiisillugu ilaasortat ataasiakkaat siunnersuutinik 3,5-inik saqqummiussisimallutik. Sanilliullugu Folketingimi 2016-imi aalajangiiffisassatut

siunnersuutinik 186-inik saqqummiussisoqarsimavoq, tassa ilaasortat ataasiakkaat siunnersuut ataaseq pallillugu saqqummiussimallugu. Taamaalillugit ilaasortat ataasiakkaarlugit uuttuitigaaanni Folketingimut sanilliullugu Inatsisartunut ilaasortat aalajangiiffigisassatut siunnersuutinik 3½-eriaammik amerlanerusunik saqqummiussisarput.

Inatsisartunut ilaasortat 2016-imi § 37 tunngavigalugu katillugit 283-eriarlutik apeqquteqaateqarsimapput. § 37 tunngavigalugu apeqquteqaatit sammineqartoq pillugu apeqqutinik arlalinnik imaqarsinnaasarput. Taamaalillutik apeqquteqaatit 283-it taaku apeqqutinik katillugit 1.383-inik imaqarsimapput, tassa ilaasortanit ataasiakkaanit apeqqutit 44,6-it apeqqutigineqarsimapput.

Folketingimut ilaasortat 2016-imi § 20 tunngavigalugu katillugit 1.555-eriarlutik apeqquteqaateqarsimapput, tassa ilaasortat ataasiakkaat apeqqutit 8,7-it apeqqutigisimallugit. Taamaalillugit ilaasortat ataasiakkaarlugit uuttuitigaaanni Inatsisartunut ilaasortat Folketingimut sanilliullugit tallimariaataa sinnerlugu amerlassusilinnik apeqquteqaateqarsimapput.

Partiinut tapiissutinik qaffaataasut ilaat partiip allattaanik amerlanerusunik atorfinititsinermut atorniarpatig, ilaasortat siunnersuutaat § 37-ilu tunngavigalugu apeqquteqaatit amerlareersut suli amerlanerulernissaat naatsorsuutigineqarsinnaavoq. Taamatut annertusaanerup Naalakkersuisoqarfinni Inatsisartullu Allattoqarfianni nukissanik allanik pisariaqartitsilernermik nassataqarsinnaavoq. Aammattaaq ilaasortat siunnersuutaasa amerlinerat Inatsisartut ataatsimiinnerisa sivisussusaannut sunniuteqarsinnaavoq.

Taamatuttaaq Inatsisinut Ataatsimiititaliap maluginiarpaan inatsimmut nassuaatini paassisutissiissutigineqartoq partiit allatseqarfianni suleqataasunik amerlisaanerup pisinnasup aallaavimmigut allaffinnik amerlanerusunik pisariaqartitsilerneq nassatarisinnaagaa, taamatullu Inatsisartut maannangaaq allaffinnik pisariaqartitsinermik taamaattumik matussusiisinjaasumik atugassiissuteqarsinnaanngitsut.

5. Oqaaseqaatit allat

Inatsisinut Ataatsimiititaliap maluginiarpaan inatsisissatut siunnersuutip siullermeerneqarnerani oqaaseqartunit ataasiakkaanit ajornartorsiutit arlallit saqqummiunneqartut: Ilaatigut partiit angisuut mikisullu akornanni partiinut tapiissutinik agguassinerup naligiinnerunissaanik kissaateqartoqarpoq, partiinullu tapiissutit siunertanut sunut atorneqarsinnaanerannik malittarisassiisunik inatsisikkut aalajangersaasoqarnissaanik kissaateqartoqarluni. qinikkanut tapiissutit allanngortinneqarnissaanik kissaateqarluni oqaaseqartoqarpoq, taamaalillutillu partiinut tapiissutit ilaat taakku partiip qinersinermi kingullermi qinersisaasa amerlassusii tunngavigalugit tunniunneqartalernissaannik. Kiisalu

qinersinermut tapiissutit pillugit malittarisassat allanngortinneqarnissaannik kissaateqarluni oqaaseqartoqarpoq.

Ajornartorsiutilli taakku inatsisisitatut siunnersuutip siunertarisaanut ilaatinneqanngillat, kingusinnerusukkulli inatsimmiq iluarsartusseqqinnermi Siulittaasoqarfimmit qaqinneqaqqissinnaapput, Siulittaasoqarfik isumaqarpat tamanna siunertamut naapertuttoq. Partiittaaq ilaasortallu ataasiakkaat namminneerlutik soorunami inatsisisitatut-aalajangiiffigisassatulluunniit siunnersummik saqqummiussisinnaapput, tamatumani inatsimmi allannguutissat kissaatigineqartut anguniarlugit.

6. Inatsisinut Ataatsimiitaliap inassuteqaataa

Ataatsimiitaliap isumaqatigiittup siunnersuutip akuersissutigineqarnissaa inassutigaa.

Inatsisinut Ataatsimiitaliap taama oqaaseqaateqarluni siunnersuut aappaasaaniigassanngortippaa.



Debora Kleist
Siulittaasuugallartoq
Inuit Ataqatigiit




Iddimannngjiu Bianco
Inuit Ataqatigiit



Laura Táunâjik
Siumut



Pitsi Høegh
Siumut



Per Rosing-Petersen
Partii Naleraq